

永寧州誌總目

第卷之一

輿地誌

圖考

有圖

沿革

有表

疆域

形勝

有圖

山川

分野

有圖

氣候

風俗

兵防

古蹟

有圖

丘壠

第卷之二

建置誌

城池

有圖

公署

有圖

學校

有圖

驛舖

河堤

津梁

堡寨

壇壝

有圖

恤典

都里

街市

鄉村

坊表

寺觀

第卷之三

食貨誌

戶口

賦役

稅課

驛傳

物產

第卷之四

秩官誌

州正

學官

佐職

第卷之五

秩禮誌

廟祀

有圖

名宦

鄉賢

三壇

公儀

鄉飲

有圖

講約

第卷之六

選舉誌

進士

舉人

貢士

監生

武甲

封廕

第卷之七

人物誌

儒林

仕蹟

鄉賓

孝友

節義

貞烈

隱逸

仙釋

方伎

第卷之八

藝文誌上

誥勅

奏疏

藝文誌下

文集

墓誌

題咏

附

災祥

永寧州誌卷之八上

藝文誌



誌之有藝文所以昭天地之精英而表王國
之憲章非徒風雲月露逞一時之才華已也
故在朝則有典謨在國則有章奏在野則有
誌記卽下而思婦勞人辭歌詩賦亦莫不祖
述三百篇之遺意以成大雅之風焉永寧人
才代出文學不乏其人然兵燹之後遺草無
存尋碑問記所得寥寥觀風者諒有同慨也

誌藝文

誥勅

二典三謨爲惟危精一之統實開萬世文字之
祖我朝

綸綍所宣執中之傳達唐虞永垂奕禩故剋諸藝
文之首至前朝勅諭從本州先達起見亦附列
於後焉

皇清

世祖章皇帝登極恩詔

順治元年

奉

天承運

皇帝詔曰我國家受

天眷祐肇造東土

烈祖邁圖鴻緒

皇考彌廓前猷遂舉舊邦誕膺

新命迨朕嗣服雖在冲齡締念紹庭永綏厥位頃緣
賊氛洊熾極禍明朝是用托重親賢救民塗炭乃
方馳金鼓旋奏澄清旣解倒懸非富天下而王公
列辟文武羣臣暨軍民耆老合詞勸進懇切再三

乃於今年十月初一日祗告

天地

宗廟

社稷卽皇帝位仍建有天下之號曰大清定鼎燕京
紀元順治緬維峻命不易創業尤艱况當改革之
初更屬變通之會爰乃酌今準古揆天時人事之
宜庶幾吏習民安彰

祖功

宗德之大所有合行

條例臚列如左

郊天配祖詔

順治五年

奉

天承運

皇帝詔曰大一統之業禮莫重於配

天通孝思之誠情莫切於尊

祖謹于順治五年十一月朔八日冬至恭祀

天於南郊奉

太祖承天廣運聖德神功肇紀立極仁孝武皇帝配

饗卽于是日推本

孝思追尊

太祖以上四世

尙祖澤王爲

肇祖原皇帝

高祖妣爲原皇后

曾祖慶王爲

興祖直皇帝

曾祖妣爲直皇后

元寧州志
卷之八
四
祖昌王爲

景祖翼皇帝

祖妣爲翼皇后

考福王爲

顯祖宣皇帝

妣爲宣皇后典禮綦隆覃恩宜廣特大赦天下以慰

官民應行事宜條列于後

躬親大政總理萬幾詔

順治八年

奉

天承運

皇帝詔曰朕得以冲齡卽位削平寇亂垂衣端拱統
一多方皆

□□□□之功也朕今躬親大政總理萬幾深思
天地

祖宗付託甚重海內臣庶望治方殷自惟涼德夙夜
祗懼天下至大政務至繁非朕躬所能獨理分猷
宣力內賴諸王貝勒大臣內三院六部都察院理
藩院卿寺等衙門外賴諸藩王貝勒等及各大臣

并督撫司道府州縣衛所等衙門提督鎮守將領
等官一應滿漢內外文武大小官員皆有政事兵
民之責務各殫忠盡職潔已愛人任怨任勞不得
推避天下利弊必以上聞朝廷恩意期於下究庶
政舉民安早臻平治凡我民人宜仰體朕心務本
興行樂業安生共享泰寧之慶合行恩赦事宜條
列於後

今上皇帝登極恩詔

順治十八年

奉

天承運

皇帝詔曰惟我國家受

天眷命

祖功

宗德肇造丕基我

皇考大行皇帝盛德至仁英資大度續承曆數統一
寰區恩澤洽于多方政教臻于上理方期邦國永
底雍熙不幸奄棄臣民遽升

龍馭顧茲大寶屬以藐躬朕旻旻在疚本不忍聞而